

ხელშეკრულება(SMP160000662) სს „საქართველოს სახელმწიფო ელექტროსისტემისათვის“ 220 კვ ეგბ „დერჩის“ მშენებლობის პროექტის ფარგლებში არქეოლოგიური კვლევის მომსახურების (II ეტაპის) შესყიდვაზე.მიმწოდებელი ააიც „არქეოლოგიური ასოციაცია“

## ხელშეკრულება მომსახურების შესყიდვის შესახებ # 60-7-116-102

ქ. თბილისი

2016 წ. 26.02

### I. მხარეები

1.1 წინამდებარე ხელშეკრულება დადებულია 2016 წლის 26 მარტს, ერთის მხრივ სს „საქართველოს სახელმწიფო ელექტროსისტემას“ (შემდგომში „შემსყიდველი“), წარმოდგენილი რეაბილიტაციის მმართველის სულხან ზუმბურიძის სახით და მეორეს მხრივ ააიც „არქეოლოგიური ასოციაცია“ (შემდგომში „მიმწოდებელი“), წარმოდგენილი დირექტორის ვახტანგ ლიჩელის სახით, შორის, რომლებიც მოქმედებენ საზოგადოების წესდებისა და მოქმედი კანონმდებლობის საფუძველზე.

### II. ხელშეკრულების საგანი

2.1. „მიმწოდებელი“ იღებს ვალდებულებას გაუწიოს „შემსყიდველს“ მომსახურება (CPV კოდი: 71351914) დანართი #1-ის (ხარჯთარიცხვა) და დანართი #2-ის (ტექნიკური პირობა) შესაბამისად (SMP160000662).

2.2. დანართი #1 და დანართი #2 წარმოადგენს წინამდებარე ხელშეკრულების განუყოფელ ნაწილს.

### III. მომსახურების ღირებულება და ანგარიშსწორების პირობები

3.1. ხელშეკრულების საერთო ღირებულება შეადგენს **17000(ჩვიდმეტი ათასი)** ლარს დ.ღ.გ.-ს ჩათვლით (შემდგომში – „ხელშეკრულების ღირებულება“).

3.2. ანგარიშსწორება განხორციელდება ფაქტიურად გაწეულ მომსახურებაზე მიღება-ჩაბარების აქტის გაფორმებიდან და საგადასახდო ანგარიშფაქტურის წარმოდგენიდან 10 (ათი) კალენდარული დღის განმავლობაში.

3.3 იმ შემთხვევაში თუ „მიმწოდებლის“ მიერ მოთხოვნილი იქნა საავანსო გადახდა, „შემსყიდველი“ „მიმწოდებელს“ უხდის საავანსო თანხას (ხელშეკრულების ღირებულების არაუმეტეს 30%-ისა), „მიმწოდებლის“ მხრიდან შესაბამისი ოდენობის საბანკო გარანტის (საბანკო გარანტია წარმოდგენილი უნდა იყოს საქართველოში ღიცენზირებული ბანკიდან) წარმოდგენის შემთხვევაში, საბანკო გარანტის წარმოდგენიდან 5 (ხუთი) სამუშაო დღის განმავლობაში. საბანკო გარანტია ძალაში უნდა იყოს ხელშეკრულების მოქმედების ვადაზე არანაკლებ 30 კალენდარული დღით მეტი ვადით. ავანსად გაცემული თანხა ჩაითვლება საბოლოო ანგარიშსწორებისას.

3.4 მომსახურების ღირებულების ანაზღაურება ხორციელდება უნაღდო ანგარიშსწორების ფორმით.

### IV. მხარეთა უფლება-მოვალეობები

4.1. „შემსყიდველი“ იღებს ვალდებულებას აუნაზღაუროს „მიმწოდებელს“ ფაქტიურად გაწეული მომსახურების ღირებულება ხელშეკრულების პირობებში ასახულ ვადებში და ფორმით.

4.2. „შემსყიდველი“ უფლებამოსილია „მიმწოდებლისგან“ მოითხოვოს სრული ინფორმაცია შესასრულებელი მომსახურების მიმდინარეობის შესახებ.

4.3. „მიმწოდებელი“ მომსახურებას ასრულებს „შემსყიდველის“ მოთხოვნის შესაბამისად.

ხელშეკრულება(SMP160000662) სს „საქართველოს სახელმწიფო ელექტროსისტემისათვის“ 220 კვ ეგბ „დერჩის“ მშენებლობის პროექტის ფარგლებში არქეოლოგიური კვლევის მომსახურების (II ეტაპის) შესყიდვაზე.მიმწოდებელი ააიპ „არქეოლოგიური ასოციაცია“

4.4 „მიმწოდებელი“ ვალდებულია ხელშეკრულებით გათვალისწინებული მომსახურება განახორციელოს ხარისხიანად და არსებული სტანდარტების შესაბამისად. იგი პასუხს აგებს გაწეული მომსახურების და შედგენილი დოკუმენტაციების (ანგარიშის, დასკვნის) სისწორეზე.

4.5 „მიმწოდებელი“ ვალდებულია წინამდებარე ხელშეკრულებით დადგენილ ვადაში გადასცეს „შემსყიდველს“ ხელშეკრულებით გათვალისწინებული მომსახურების ანგარიში არქეოლოგიური (სსე-სათვის 220 ეგბ „დერჩის“ მშენებლობის პროექტის ფარგლებში არქეოლოგიური კვლევის II (ეტაპი) დოკუმენტაცია, დასკვნა 4(ოთხი) ეგზემპლარად და 2 ეგზემპლარი ელექტრონული ვერსია.

4.6. „მიმწოდებელი“ მომსახურებას ასრულებს წინამდებარე ხელშეკრულების დანართის #1 (ხარჯთაღრიცხვა) და დანართი №2-ის (ტექნიკური პირობების) შესაბამისად.

4.7 „მიმწოდებელი“ ვალდებულია განახორციელოს, ანგარიშის (დასკვნის) მიმართ გამოთქმული მოსაზრებების გათვალისწინებით, ანგარიშის სრულყოფა და სხვა შესაბამისი ღონისძიებები, რათა უზრუნველყოფილ იქნეს „შემსყიდველის“ მიერ ამ ანგარიშის (დასკვნის) საფუძველზე შესაბამისი თანხმობებისა და ნებართვის მოპოვება. ანგარიშის სრულყოფა დამატებით ანაზღაურებას არ ექვემდებარება და შედის ანგარიშის მომზადების საფასურში.

4.8 „მიმწოდებელი“ ვალდებულია წერილობით აცნობოს „შემსყიდველს“ მოცემული ხელშეკრულების ფარგლებში დადებული ყველა ქვეკონტრაქტის შესახებ და წარმოადგინოს მათთან დადებული ხელშეკრულების ასლები.

4.9 ამ ხელშეკრულების ფარგლებში დადებული არც ერთი ქვეკონტრაქტი არ ათავისუფლებს „მიმწოდებელს“ ხელშეკრულებით გათვალისწინებული მატერიალური ან სხვა ვალდებულებებისაგან. საბოლოო ურთიერთობა „შემსყიდველსა“ და „მიმწოდებელს“ შორის ხორციელდება ამ კონტრაქტით განსაზღვრული პირობებით.

## V. გასაწევი მომსახურების ვადა და ადგილი

5.1 წინამდებარე ხელშეკრულებით განსაზღვრული მომსახურების გაწევის ვადაა ხელშეკრულების გაფორმებიდან და არქეოლოგიური კვლევის დაწყებაზე ნებართვების მიღებიდან 25(ოცდახუთი)კალენდარული დღე.

5.2 გასაწევი მომსახურების ადგილი იხილეთ წინამდებარე ხელშეკრულების დანართი #2-ში(ტექნიკური პირობა).

## VI. მხარეთა პასუხისმგებლობა

6.1 „მიმწოდებლის“ მიზანით მომსახურების დაგვიანებით, არასრულად, ხარვეზით ან საერთოდ არ გაწევის შემთხვევაში, „მიმწოდებელი“ მოვალეა გადაიხადოს პირგასამტებლო შეუსრულებელი მომსახურების ღირებულების 0,1%-ის ოდენობით, ყოველ ვადა გადაცილებულ დღეზე, მომსახურების ჯეროვნად და სრულად გაწევამდე ან ხელშეკრულების შეწყვეტის დღემდე, რომელი ვადაც უფრო ადრე დადგება.

6.2 „შემსყიდველის“ მიერ ხელშეკრულებით გათვალისწინებული ფაქტიურად შესრულებული მომსახურების ღირებულების ვადაგადაცილებით (არადროულად) გადახდის შემთხვევაში, „მიმწოდებლი“ უფლებამოსილია მოსთხოვოს „შემსყიდველს“ პირგასამტებლოს გადახდა გადაუხდელი თანხის 0.1% ოდენობით ყოველ ვადა გადაცილებულ დღეზე წინამდებარე ხელშეკრულების შეწყვეტამდე, ან თანხის სრულად გადახდამდე, რომელი ვადაც უფრო ადრე დადგება.

6.3 ხელშეკრულებით გათვალისწინებული ვალდებულებების ცალმხრივად შეუსრულებლობისათვის მხარეებს ეკისრებათ ვალდებულება აანაზღაურონ მიყენებული

ზელშეკრულება(SMP160000662) სს „საქართველოს სახელმწიფო ელექტროსისტემისათვის“ 220 კვ ებს „დერჩის“ მშენებლობის პროექტის ფარგლებში არქეოლოგიური კვლევის მომსახურების (II ეტაპის) შესყიდვაზე.მიმწოდებელი ააიპ „არქეოლოგიური ასოციაცია“

ზარალი სრული მოცულობით საქართველოს კანონმდებლობით დადგენილი წესით. ზარალის ანაზღაურება ან მისი მოთხოვნა არ აჩერებს ამ მუხლით გათვალისწინებულ პირგასამტებლოს დარიცხვას.

6.4 „შემსყიდველი“ უფლებამოსილია ფაქტიურად შესრულებული მომსახურების ღირებულების ანაზღაურებისას გამოქვითოს (შეამციროს ანაზღაურება) ამ მუხლით გათვალისწინებული და „მიმწოდებელზე“ დარიცხული პირგასამტებლოს თანხა „მიმწოდებლისათვის“ გადასახდელი თანხის ოდენობიდან. აღნიშნული გამოქვითვა არ შეიძლება გახდეს „მიმწოდებლის“ მხრიდან „შემსყიდველისათვის“ 6.2 პუნქტით გათვალისწინებული პირგასამტებლოს დარიცხვის საფუძველი.

## VII. ზელშეკრულების შესრულების კონტროლი

7.1 „მიმწოდებელი“ ვალდებულია საკუთარი რესურსებით უზრუნველყოს „შემსყიდველი“ კონტროლის ჩატარებისათვის აუცილებელი პერსონალით, ტექნიკური საშუალებებით და სხვა სამუშაო პირობებით. იმ შემთხვევაში, თუ „შემსყიდველი“ კონტროლის მიზნით გამოიყენებს საკუთარ ან მოწვეულ პერსონალს, მისი შრომის ანაზღაურებას უზრუნველყოფს თვით „შემსყიდველი“.

7.2 „მიმწოდებელი“ ვალდებულია საკუთარი ხარჯებით უზრუნველყოს კონტროლის შედეგად გამოვლენილი ყველა დეფექტის ან ნაკლის აღმოფხვრა.

7.3 ამ მუხლის არც ერთი პუნქტი არ ათავისუფლებს „მიმწოდებელს“ მოცემული ზელშეკრულების ვალდებულებებისაგან.

7.4 ზელშეკრულების შესრულების კონტროლს „შემსყიდველის“ მხრიდან უზრუნველყოფს სს „საქართველოს სახელმწიფო ელექტროსისტემის“ პროექტების კოორდინატორი ზეზვა ზვედელიძე.

7.5 კონტროლი განხორციელდება გაწეული მომსახურების ხარისხისა და მომსახურების გაწევის ვადის შესაბამისობით ზელშეკრულების პირობებთან.

## VIII. შესყიდვის ობიექტის მიღება-ჩაბარების წესი

8.1 „მიმწოდებლის“ მიერ წინამდებარე ზელშეკრულების 7.4 ქვეპუნქტით განსაზღვრული პირი (პირები) ამოწმებს გაწეული მომსახურების შესაბამისობას წინამდებარე ზელშეკრულების პირობებთან. ხარვეზების არ არსებობის შემთხვევაში ფორმდება მიღება-ჩაბარების აქტი ფაქტიურად შესრულებულ მომსახურებაზე.

8.2 მომსახურების მიღების დროს აღმოჩენილი ხარვეზების (წუნდების) შემთხვევაში „შემსყიდველი“ ვალდებულია ოპერატიულად, წერილობითი სახით აცნობოს „მიმწოდებელს“ სათანადო ხარვეზების შესახებ (წუნდების არსი).

8.3 ხარვეზების აღმოჩენის შემთხვევაში „მიმწოდებელი“ ვალდებულია 2(ორი) კალენდარული დღის განმავლობაში თავისი ხარჯებით გამოასწოროს ხარვეზი.

8.4 წინამდებარე ზელშეკრულებით განსაზღვრული მომსახურება მიღებულად ჩაითვლება მიღება-ჩაბარების აქტის გაფორმებისთანავე.

## IX. ფორს-მაჟორი

9.1 ზელშეკრულების პირობების ან რომელიმე მათგანის მოქმედების შეჩერება ფორს-მაჟორული გარემოებების დადგომის გამო არ იქნება განხილული როგორც ზელშეკრულების პირობების შეუსრულებლობა ან დარღვევა და არ გამოიწვევს საჯარიმო სანქციების გამოყენებას.

ხელშეკრულება(SMP160000662) სს „საქართველოს სახელმწიფო ელექტროსისტემისათვის“ 220 კვ ეგბ „დერჩის“ მშენებლობის პროექტის ფარგლებში არქეოლოგიური კვლევის მომსახურების (II ეტაპის) შესყიდვაზე.მიმწოდებელი ააიდ „არქეოლოგიური ასოციაცია“

9.2 ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული მათ შეცდომებსა და დაუდევრობასთან და რომლებსაც გააჩნიათ წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნას ომით ან სტიქიური მოვლენებით, ეპიდემიით, კარანტინით და ემბარგოს დაწესებით და სხვა. ფორს-მაჟორის არსებობის საკმარის დამადასტურებელ ცნობად მხარეები განიხილავენ შესაბამისი ქვეყნის სავაჭრო – სამრეწველო პალატის მიერ გაცემულ სათანადო ცნობას.

9.3 ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზნების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისდა მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამონახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელნი იქნებიან ფორს-მაჟორული გარემოებების ზეგავლენისაგან.

## X. ურთიერთობა მხარეებს შორის

10.1 ნებისმიერი ოფიციალური ურთიერთობა ხელშეკრულების დამდებ მხარეებს შორის უნდა ატარებდეს წერილობით ფორმას. წერილობითი შეტყობინება, რომელსაც ერთი მხარე ხელშეკრულების შესაბამისად უგზავნის მეორე მხარეს, იგზავნება საფოსტო გზავნილის სახით, რომელიც ხელმოწერილი უნდა იყოს ხელმძღვანელობაზე ან /და წარმომადგენლობაზე უფლებამოსილი პირის მიერ. ოპერატილი კავშირის დამყარების მიზნით დასაშვებია შეტყობინების მეორე მხარისათვის მიწოდება ელ. ფოსტით (წერილის სკანირებილი ვარიანტი) ან ფაქსის გაგზავნის გზით, შემდგომში ორიგინალის მიწოდების პირობით.

10.2 შეტყობინება შედის ძალაში ადრესატის მიერ მისი მიღების დღეს ან შეტყობინების ძალაში შესვლის დადგენილ დღეს, იმის მიხედვით, თუ ამ თარიღებიდან რომელი უფრო გვიან დგება.

## XI. ხელშეკრულების პირობების შეცვლა და/ან ვადამდე მოშლა

11.1 ამ ხელშეკრულებაში ნებისმიერი ცვლილება და/ან დამატება შეიძლება შეტანილი იქნეს მხარეთა წერილობითი შეთანხმების საფუძველზე.

11.2 სახელმწიფო შესყიდვის შესახებ ხელშეკრულების პირობების შეცვლა დაუშვებელია, თუ ამ ცვლილების შედეგად იზრდება ხელშეკრულების საერთო ღირებულება ან უარესდება ხელშეკრულების პირობები შემსყიდველი ორგანიზაციისათვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევისა, ამასთან, ასეთ შემთხვევაშიც დაუშვებელია ხელშეკრულების ჯამური ღირებულების 10%-ზე მეტი ოდენობით გაზრდა.

11.3. ხელშეკრულება შეიძლება ვადამდე მოიშალოს:

11.3.1. მხარეთა შეთანხმებით;

11.3.2. ერთ-ერთი მხარის განცხადებით მეორე მხარის მიერ ხელშეკრულებით გათვალისწინებული პირობების არსებითად დარღვევის შემთხვევაში;

11.4 „შემსყიდველს“ შეუძლია ხელშეკრულება ვადამდე შეწყვიტოს:

ზელშეკრულება(SMP160000662) სს „საქართველოს სახელმწიფო ელექტროსისტემისათვის“ 220 კვ ეგბ „დერჩის“ მშენებლობისპროექტის ფარგლებში არქეოლოგიური კვლევის მომსახურების (II ეტაპის) შესყიდვაზე. მიმწოდებელი ააიც „არქეოლოგიური ასოციაცია“

11.4.1. თუ „შემსყიდველისათვის“ ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;

11.4.2. „მიმწოდებლის“ გაკოტრების შემთხვევაში;

11.4.3. თუ მისთვის ცნობილი გახდება, რომ „მიმწოდებლის“ მიერ მიწოდებული ინფორმაცია ყალბი აღმოჩნდება, რაც წარმოადგენს, „შემსყიდველის“ მხრიდან ნდობის დაკარგვის საფუძველს.

11.4.4. საქართველოს კანონმდებლობით გათვალისწინებულ სხვა შემთხვევებში.

11.5. ამ მუხლის 11.4 პუნქტში მითითებულ შემთხვევებში „შემსყიდველი“ ვალდებულია აუნაზღაუროს „მიმწოდებელს“ ფაქტიურად შესრულებული მომსახურების ღირებულება.

## XII. ხელშეკრულების შესრულების შეფერხება

12.1 თუ ხელშეკრულების შესრულების პროცესში მხარეები წააწყდებიან რაიმე ხელშემშლელ გარემოებებს, რომელთა გამო ფერხდება ხელშეკრულების პირობების შესრულება, ამ მხარემ დაუყოვნებლივ უნდა გაუზიავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ. შეტყობინების მიმღებმა მხარემ რაც შეიძლება მოკლე დროში უნდა აცნობოს მეორე მხარეს თავისი გადაწყვეტილება, მიღებული აღნიშნულ გარემოებებთან დაკავშირებით.

12.2 იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების ვადის გაგრძელების თაობაზე, ეს გადაწყვეტილება უნდა გაფორმდეს ხელშეკრულებაში ცვლილების შეტანის გზით.

## XIII. დავათა განხილვა

13.1 ხელშეკრულების დამდები მხარეები თანხმდებიან მასზე, რომ ყველა ღონეს იხმარენ, რათა მოლაპარაკებების მეშვეობით, შეთანხმებით მოაგვარონ ნებისმიერი უთანხმოება და დავა, წარმოქმნილი მათ შორის ხელშეკრულების ან მასთან დაკავშირებული საკითხების ირგვლივ.

13.2 თუ ასეთი მოლაპარაკების დაწყებიდან 30 (ოცდაათი) კალენდარული დღის განმავლობაში მხარეები ვერ შესძლებენ სადაო საკითხების შეთანხმებას, ნებისმიერ მხარეს დავის გადაწყვეტის მიზნით შეუძლია დადგენილი წესით მიმართოს სასამართლოს.

## XIV. ხელშეკრულების მოქმედების ვადა

ხელშეკრულება მოქმედებს მხარეთა მიერ ნაკისრი ვალდებულებების სრულად შესრულებამდე, მაგრამ არაუგვიანეს 2016 წლის 30 ივნისის ჩათვლით, ხოლო მე-4 მუხლის (მხარეთა უფლება-მოვალეობები) 4.7 პუნქტის და მე-6 მუხლის (მხარეთა პასუხისმგებლობა) ფარგლებში - 2016 წლის 31 დეკემბრის ჩათვლით.

## XV. ხელშეკრულების სხვა პირობები

15.1 ხელშეკრულება შედგენილია ქართულ ენაზე ორ ეგზემპლარად და ყოველ მათგანს გააჩნია თანაბარი იურიდიული ძალა.

15.2 ამ ხელშეკრულებით გაუთვალისწინებელ შემთხვევებში, მხარეები მოქმედებენ საქართველოში მოქმედი კანონმდებლობის თანახმად.

15.3 წინამდებარე ხელშეკრულებით გათვალისწინებული პირობები შესასრულებლად სავალდებულოა მხარეთათვის და მათი შესაბამისი სამართალმემკვდრებისა და უფლებამონაცვლეთათვის. დაუშვებელია წინამდებარე ხელშეკრულებით

ხელშეკრულება(SMP160000662) სს „საქართველოს სახელმწიფო ელექტროსისტემისათვის“ 220 კვ ეგბ „დერჩის“ მშენებლობის პროექტის ფარგლებში არქეოლოგიური კვლევის მომსახურების (II ეტაპის) შესყიდვაზე.მიმწოდებელი ააიპ „არქეოლოგიური ასოციაცია“

გათვალისწინებული ვალდებულებების გადაცემა სხვა მხარისათვის მეორე მხარის წინასწარი წერილობითი თანხმობის გარეშე.

15.4 წინამდებარე ხელშეკრულებით გათვალისწინებული პირობები წარმოადგენს კონფედენციალურ ინფორმაციას და არ უნდა მოხდეს მათი გამჟღავნება სხვა მხარისათვის, გარდა კანონმდებლობით გათვალისწინებული შემთხვევებისა.

15.5 წინამდებარე ხელშეკრულება დაიდო „სახელმწიფო შესყიდვების შესახებ“ საქართველოს კანონის მე-10<sup>1</sup> მუხლის მე-3 პუნქტის ბ) ქვეპუნქტის, სსიპ სახელმწიფო შესყიდვების საგენტოს თავმჯდომარის 17.08.2015წ #13 ბრძანებით დამტკიცებული „გამარტივებული შესყიდვის კრიტერიუმების განსაზღვრისა და გამარტივებულის შესყიდვის ჩატარების წესის“ მე-3 მუხლის პირველი პუნქტის „ბ“ ქვეპუნქტის და 22.02.2016 წლის სსიპ სახელმწიფო შესყიდვების საგენტოს თავმჯდომარის #645 განკარგულების (თანხმობის) შესაბამისად (SMP160000662).

## XVI. მხარეთა რეკვიზიტები

### „შემსყიდველი“:

სს „საქართველოს სახელმწიფო ელექტროსისტემა“

ქ. თბილისი, ბარათაშვილის ქ. 2

საიდ. კოდი: 204995176

სს „ლიბერთი ბანკი“

ბანკის კოდი: LBRTGE22

ა/ა # GE86LB0114144485353000

სულხან ზუმბურიძე

რეაბილიტაციის მმართველი



### “მიმწოდებელი”:

ააიპ „არქეოლოგიური ასოციაცია“

იურ. მის.თბილისი, ალ.ყაზბეგის გამზ. #35ბ,ბ.34

ფაქტ. მის.თბილისი, ჭონქაძის ქ#14ა,ბ#4

ს/კ 204466844

სს „საქართველოს ბანკი“

ბანკის კოდი BAGAGE22

ა/ა #GE27BG0000000275073700

მობ: 599510809, 595402050

ვახტანგ ლიჩელი

დირექტორი



კარგი სამართლებრივი დოკუმენტი საქართველოს სახელმწიფო ელექტრონული სისტემისათვის 220 კვ ეგძ „დეოჩის მძევებლობის პროექტის ფარგლებში არქეოლოგიური კვლევის მომსახურების (II ეტაპის) შესყიდვაზე.მიმწოდებელი ააიც „არქეოლოგიური ასოციაცია“

### დანართი #1

სს „საქართველოს სახელმწიფო ელექტრონული სისტემისათვის“ 220 ეგძ „დეოჩის“ მშენებლობის პროექტის ფარგლებში არქეოლოგიური კვლევის (II ეტაპის)(კულტურული მემკვიდრეობის თვალსაზრისით) მომსახურების ხარჯთაღრიცხვა

#	მომსახურების დასახელება	საერთო ღირებულება (ლარი) დღგ-ს ჩათვლით
1	2	3
1	სს „საქართველოს სახელმწიფო ელექტრონული სისტემისათვის“ 220 ეგძ „დეოჩის“ მშენებლობის პროექტის ფარგლებში არქეოლოგიური კვლევის (II ეტაპის) ანგარიშის (დასკვნის) შედგენა	17000
	საერთო ღირებულება დღგ-ს ჩათვლით და ყველა ხარჯის გათვალისწინებით	17000

„შესყიდველი“:

სს „საქართველოს სახელმწიფო ელექტრონული სისტემა“

სულხან ზუმბურიძე  
რეაბილიტაციის მმართველი.



„მიმწოდებელი“:

ააიც „არქეოლოგიური ასოციაცია“



- ხელშეკრულება სს „საქართველოს სახელმწიფო ელექტროსისტემისათვის“ 220 კვ ეგხ „დერჩის“ მშენებლობის პროექტის ფარგლებში არქეოლოგიური კვლევის მომსახურების (II ეტაპის) შესყიდვაზე მიმწოდებული ააიდ „არქეოლოგიური ასოციაცია“

## დანართი #2

სს „საქართველოს სახელმწიფო ელექტროსისტემისათვის“ 220 კვ ეგხ „დერჩის“ მშენებლობის პროექტის ფარგლებში არქეოლოგიური კვლევის (II ეტაპის) მომსახურების ტექნიკური პირობა :

**მომსახურების გაწევის ადგილი, მომსახურების გაწევის პირობები და ვადები.  
ტექნიკური დავალება**

### **1. მომსახურების გაწევის ადგილი:**

არქეოლოგიური მომსახურების გაწევა უნდა განხორციელდეს 220კვ ეგხ. „დერჩი“-ს კონკრეტულ მონაკვეთებზე, კერძოდ:

1. 220კვ ეგხ. „დერჩი“-ს №11 საპროექტო ანძა (GPS X 304357; Y 4684432). საპროექტო ანძის პოლიგონი მდებარობს სახნავ-სათეს სავარგულში, დაფიქსირებულია კაჟისა და კერამიკის ფრაგმენტები.
2. 220კვ ეგხ. „დერჩი“-ს №43 საპროექტო ანძა. საპროექტო ანძის პოლიგონის მიმდებარედ, აღმოსავლეთით 45 მეტრში (GPS X 310113; Y 4690534) მდებარობს მიწის ზედა ძეგლი, რომელიც აშენებულია (დაახლოებით 50X50 სანტიმეტრი) ქვის ლოდებით და გამოყენებულია კირხსნარი.
3. 220კვ ეგხ. „დერჩი“-ს №44 საპროექტო ანძის (GPS X310372; Y4690696) პოლიგონის მიმდებარედ შეინიშნება კედლის მაგვარი ქვის წყობა, რომელიც სავარაუდოდ არ არის ბუნებრივად წარმოქმნილი.
4. 220კვ ეგხ. „დერჩი“-ს №51 საპროექტო ანძა (GPS X 312210; Y 4690783). საპროექტო ანძის პოლიგონი მდებარობს სიმინდის სავარგულში, დაფიქსირებულია კერამიკის ფრაგმენტები.

### **2. მომსახურების გაწევის ვადები და პირობები:**

#### **2.1. მომსახურების გაწევის ვადები:**

2.1.1. მომსახურების დაწყების მიზნით შემსყიდვები გადასცემს მიმწოდებელს მიწის მესაკუთრის ან მის მიერ უფლებამოსილი პირის თანხმობას არქეოლოგიური კვლევის ჩატარების თაობაზე.

2.1.2. წინამდებარე ტექნიკური დავალების 2.1.1. პუნქტით გათვალისწინებული თანხმობის მიღებიდან არაუგვიანეს 3 სამუშაო დღეში არქეოლოგიური კვლევის დაწყებაზე ნებართვის მიღების მიზნით მიმწოდებელი ვალდებულია მიმართოს სსიპ „საქართველოს კულტურული მემკვიდრეობის დაცვის ეროვნულ სააგენტოს“ და წარუდგინოს შემსყიდვებს მიმართვის ასლი.

2.1.3. მიმწოდებელი ვალდებულია მომსახურების გაწევა დაიწყოს სსიპ „საქართველოს კულტურული მემკვიდრეობის დაცვის ეროვნულ სააგენტოს“ მიერ არქეოლოგიური კვლევის დაწყების შესახებ ნებართვის მიღებიდან არაუგვიანეს მომდევნო სამუშაო დღისა და დაასრულოს დაწყებიდან არაუგვიანეს 25 კალენდარული დღის განმავლობაში.

2.1.2. მომსახურების გაწევის ვადები მოიცავს, როგორც საველე სამუშაოების, ასევე სსიპ „საქართველოს კულტურული მემკვიდრეობის დაცვის ეროვნულ სააგენტოს“-თვის წარსადგენი გაწეული მომსახურების შესახებ ანგარიშის მიწოდების ვადებს.

- ხელშეკრულება სს „საქართველოს სახელმწიფო ელექტროსისტემისათვის“ 220 კვ ეგზ „დერჩის“ მშენებლობის პროექტის ფარგლებში არქეოლოგიური კვლევის მომსახურების (II ეტაპის) შესყიდვაზე მიმწოდებელი ააიპ „არქეოლოგიური ასოციაცია“

## 2.2. მომსახურების გაწევის პირობები:

2.2.1. მომსახურების გაწევა უნდა განხორციელდეს ტექნიკური დავალებით გათვალისწინებული პირობების განუხრელი დაცვით. გაწეული მომსახურების მიღების მიზნით მიმწოდებელი ვალდებულია შემსყიდველს წარუდგინოს გაწეული მომსახურების შესახებ ანგარიში, 2 ეგზემპლარი ელექტრონული ვერსიით (CD ან და DVD დისკით) და 4 ეგზემპლარი ნაბეჭდი ახით.

2.2.2. ანგარიში უნდა მოიცავდეს არქეოლოგიური კვლევის შედეგებს, რომელიც უნდა მოიცავდეს ყველა ინფორმაციას, რაც გათვალისწინებულია ტექნიკური დავალებით, აღნიშნული მომსახურებისათვის კანონმედბლობით გათვალისწინებული ყველა მოთხოვნისა და მსგავსი მომსახურებისათვის გათვალისწინებული სტანდარტების დაცვით, რომელიც შექმნის საფუძველს სსიპ საქართველოს კულტურული მემკვიდრეობის დაცვის სააგენტოს მიერ დადებითი დასკვნის გასაცემად.

2.2.3. აუცილებლობის შემთხვევაში ანგარიში ასევე უნდა მოიცავდეს ინფორმაციას არქეოლოგიური კვლევის შემდგომი ეტაპის განსახორციელებლად ტექნიკური დავალებისა და აუცილებელი რეკომენდაციების შესახებ.

2.2.4. გაწეული მომსახურების საბოლოო მიღება განხორციელდება სსიპ საქართველოს კულტურული მემკვიდრეობის დაცვის სააგენტოს მიერ დადებითი პასუხის საფუძველზე.

2.2.5. იმ შემთხვევაში თუ, სსიპ საქართველოს კულტურული მემკვიდრეობის დაცვის სააგენტოს მიერ გაცემული დასკვნის საფუძველზე გამოვლინდება ხარვეზი, მიმწოდებელი ვლდებულია შემსყიდველის მიერ განსაზღვრულ გონივრულ ვადაში, საკუთარი ხარჯებით უზრუნველყოს ხარვეზებისა და დეფექტების აღმოფხვრა, სსიპ საქართველოს კულტურული მემკვიდრეობის დაცვის სააგენტოს მიერ გაცემული რეკომენდაციების თანახმად.

## 3. ტექნიკური დავალება:

### 3.1. მიმწოდებლის მიერ მომსახურების გაწევისას განსახორციელებელი ღონისძიებები:

- მოქმედი კანონმდებლობით გათვალისწინებული ყველა აუცილებელი სანებართვო პროცედურების განხორციელება;
- ტერიტორიის დაკავლა- დაკავადრატება;
- ტერიტორიის გათხრითი და საკვლევ სამიერო სამუშაოების ჩატარება;
- კულტურული ფენების გრაფიკული და ფოტო ფიქსაცია;
- გამოვლენილ არტეფაქტების დეტალური აღრიცხვა და მისი უსაფრთხო ტრანსპორტირება საქართველოს კანონმდებლობით რეგისტრირებულ მუზეუმში;
- სადაზვერვო თხრილების შევსება;
- კვლევის ანგარიშის მომზადება, მომზადებული ანგარიშის მიხედვით აუცილებლობის შემთხვევაში არქეოლოგიური კვლევის შემდგომი ეტაპის განსახორციელებლად ტექნიკური დავალებისა და აუცილებელი რეკომენდაციების მომზადება.

### 3.2. მომსახურების გაწევისას მიმწოდებელი ვალდებულია დაიცვას შემდეგი პირობები:

- მომსახურების მიწოდება უზრუნველყოს არქეოლოგიური კვლევისთვის გათვალისწინებული მეთოდოლოგიის, აღნიშნული მომსახურებისათვის კანონმდებლობით დადგენილი მოთხოვნებისა და სტანდარტების განუხრელი დაცვით;

ხელშეკრულება სს „საქართველოს სახელმწიფო ელექტროსისტემისათვის“ 220 კვ ეგბ „დერჩის“ მშენებლობის პროექტის ფარგლებში არქეოლოგიური კვლევის მომსახურების (II ეტაპის) შესყიდვაზე მიმწოდებელი ააიპ „არქეოლოგიური ასოციაცია“

- ბ) უზრუნველყოს მომსახურების გაწევისას გამოვლენილი არქეოლოგიური ობიექტებისა და არქეოლოგიური მასალის სათანადო დაცვა დაზიანებისაგან, განადგურებისა და დაკარგვისაგან, გარემო პირობებისა და სხვა არასასურველი ზემოქმედებისაგან;
- გ) თუ მომსახურების გაწევისას გამოვლინდა მაღალი ფასეულობის მქონე ნივთი და მეთოდოლოგიური, კლიმატური, ტექნიკური ან და სხვა მიმწოდებლისგან დამოუკიდებელი პირობების გამო ვერ ხერხდება ნივთის დაუყოვნებლივ ამოღება და უსაფრთხო ტრანსპორტირება, მიმწოდებელი ვალდებულია დაუყოვნებლივ მიმართოს აღნიშნულის შესახებ შემსყიდველს, შინაგან საქმეთა სამინისტროს შესაბამის ტერიტორიულ ორგანოსა და სისპ საქართველოს კულტურული მემკვიდრეობის დაცვის სააგენტოს.

„შემსყიდველი“:

სს „საქართველოს სახელმწიფო ელექტროსისტემა“

სულხან ზუმბურიძე

რეაბილიტაციის მმართველი



1. გ. ს.

“მიმწოდებელი“:

ააიპ „არქეოლოგიური ასოციაცია“

ვახტანგ ლიჩელი

დირექტორი

